



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

Articulus Sextus. Quod interruptio fruitionis restauretur auersione mystica,
quamdiu contemplatio est affirmatiua.

urn:nbn:de:hbz:466:1-9766

dum utilitatem inde percipiat. Cum ergo diuinitatis absoluta imago, siue representatio ut primum Ens, siue Bonum tempore orationis mentalis vitali, & reali perceptione non affecterit, nec animum in firmum intuitum attraxerit; absque illa hæsitatione (præsertim cum inde tepiditatem aduerterit) ad aliquid diuinorum attributorum, velut omnipotentiæ, misericordiæ, leueritatis, & similium se conferat; quo ita obiectum conforme suo statui, dispositioni, & operationi acquirat, & tempus non otiosè, ac sine fructu expendat. Iam verò de modo continuandi mysticam contemplationem, consequenter dicendum erit.

*Quod interruptio fruitionis restauretur
auersione mystica, quamdiu contem-
platio est affirmativa.*

ARTICVLVS SEXTVS.

HAllucinantur hoc loco mirum in modum contemplatiui, sibi imaginantes, quasi aut semper, aut frequenter ad modum, & fruitionem simplicis intelligentiæ, seipso eleuare possint; tristitia, & tædio spirituali frustrasse discruciantes, cum ad medias, aut inferiores species, vel imaginationes seipso relapsos intuentur: quum tamen hoc loco cardo rei versetur, non tam circa omnimodam continuationem, quam qua ratione expeditè reintegrari possit fruitionis interruptio, pro qua quidem restauranda, aliud non sollicitè

requiritur, quam vt ipso instanti, quo contemplans aduertit, se ad alia distractum, actu obliuionis eorum, quæ cogitabat, aut auersionis eorum quibus aliquali affectu detinebatur (vt quæ nihil sint respectu Dei, qui omnia est) non tam actu resistentia, aut pugnæ, quam relictionis, & auersionis deferat, & illi-cò ad diuinitatis recordationem sele conuertat. ipso enim instanti conuersio[n]is, quamdiu contemplatio fuerit amorosa, seu vitaliter, & cum gustu spirituali afficiens, diuinæ bonitatis similitudo consurgit; quam etiam subito affectus rapit, intellectus inspicit; affectus autem iterum resumit, & stringit, vt intellectus illam penitus illustreret; & ita frequenter, aut potiori orationis mentalis tempore.

At si complacentiæ illa contemplatio paulatim evanuerit, modus quidem auersionis ab ijs quæ sunt, & quæ non sunt, ac pro nihilo reputantur, omnino retinendus erit; cum mysticum facile à tentatione, & remora quacunque expediatur: Modus verò conuersio[n]is ad Deum qui omnia est, vt plurimum inutilis erit, & ad otiosum intrinsecum phantasma obscurè deducens, ac improportionatè eleuans contemplatorem, & supra modum, speciesque congruas; ex quibus tamen obiectum ad contemplandum sibi repræsentare posset.

Interruptio porrò fruitionis diuersimodè contingit. Primo, per eiusmodi improportionatam eleuationem, aut transcendentiam, quæ vti iam b[ea]titudinem est,

¶ hic art. 3. 4. 5. 6.

est, corrigitur Secundò, quando amicabilis fruitio pro præsenti finitur, & ad sequentem meliorem disponitur; & talis interruptio in hac vita caueri non potest. Tertiò, quod magis in praxi frequens est, quando [a appetitus mouet alio,] & tunc actu non cognoscit, quia non adest attentio: [vnde & b phantasmata in organo conseruata interdum non aetū imaginamur.] & cum contemplans ab inordinatis affectibus nondum depuratus sit, non potest non per appetitum vitiatum frequenter aliquo moueri, & consequenter facillimè interruptionem vitalis contemplationis incurre. quia si [illud c attentiùs operamur in quo deleatamur,] & deleatans appetitus aliò facilè trahat; quomodo non multoties ab actuali, simplifici, & vitali contemplatione decidet? ac difficile, imò quamdiu appetitus vitaliter aliquo mouerit frustra, per conuersione ad Deum (qui totum, & omnia) improportionata eleuatione, ac speculatione potius, quam contemplatione sese eleuabit: illa enim verè superficialis, & inutilis speculatio, non contemplatio dici potest, quando quis non per realem, sed superficialem ad Deum tendentiam vult actualiter cum vitali benè affientia, & spirituali gustu Deum contemplari; licet de vitali ad Deum gustu nihil habeat, & consequenter intellectus non possit speciem proportionatam ad actuali operationem elicer, nec fruitionem per operationes sibi inuicem influentes continuare. Et ideo

si facta ad Deum conuersione phantasia, & ratio non satis ligentur, & mens ad euagationes dilabatur, per attributa diuinitatis scilicet, omnipotentiæ, bonitatiæ, iustitiæ, misericordiæ, & similium; at quidquid demum à distractionibus, temptationibus, & impertinentijs prohibere poterit, ad puram vitalē, & amorosam ad Deum conuersionem sese disponat: vt ita ad minus utiliter tedium & internum otium declinet.

Cum autem ex inordinata inclinazione ad fundum, & primum principium dilectionis diuinę (ex originali iustitia vitiatum) varia mala profluant, consequenter dicimus,

Quod contemplatio, quæ fit per inhalationem, aut exspectationem deducat ad falsum otium.

ARTICVLVS. SEPTIMVS.

Sicut illi, qui nuda conuersione ad Deum, in tanta d diversitate habendi, & operandi, uno eodemque modo omnia transcendere conantes deficiunt, & ad hic & nunc præsens, parum conformiter operantur; ita alijs longè peius, per nudam exspectationem à vera reali que contemplatione aberrant; dum (licet nulla singulari dilectione à Deo dignati) passiuè se habere volunt, & absque villa operatione exspectare, quid in illis loquatur Dominus. tum enim non tam est tempus, vt in il-

a S. Thom l.1. cont. Gen. c.55. b ibid. c 1.2.q.33.a.36. d hic n.s.